



**Сариев Тайыр,**

**С. Мұқанов атындағы орта мектебінің 8 сынып оқушысы**

Туған жердей жер болмас,

Туған елдей ел болмас

Қазақстан Республикасы – Еуразия құрлығындағы мемлекет. Қазақстанның жері кең-байтақ және өте бай. Табиғаты әр алуан. Мұнда жазық дала да, орман да, тау да, өзен де, көл де, шөлді аймақтар да бар. Қазақстанның тарихы талай мыңдаған ғасырларды қамтиды, жері шежірелі. Әлемге әйгілі тарихи ескерткіштер, табиғаты көркем қорықтар, демалыс орындары көптеп кездеседі. Осынау байырғы қазақ жерінде көшпелі жұрт ежелден бері қар суын ішіп, құдықтар мен мөлдір бұлақтардан сусындап, ақбөкен жайлаған шет-шегі жоқ байтақ далада көшіп-қонып жүрген. Қазақтардың қан мен тері сіңген осы жер – дала халқының басынан өткен талай-талай тарихи оқиғалардың куәсі. Мұндағы мұхит толқынына ұқсас қыраттардың, биік асу мен терең жыралардың – бәрі-бәрінің де аты бар, бәрі-бәрі де халықтың ән-жыры мен аңызына өзек болды.

Менің туып-өскен жерім – Солтүстік Қазақстан. Менің туған жерім қандай әсем! Қандай тамаша! Айнала ақ қайыңдар, жасыл жазықтар, көлдер. Қазақ халқының тарихы бай. Оның тарихында аса ірі тарихи тұлғалар мол. Халық туралы білу үшін, алдымен, оның тілін, салтын, ұлы адамдарын білу керек. Тарихи тұлғалардың өмірін, ойларын, ісін білсең, қазақ халқы туралы да білгенің. Әл-Фараби былай деген: «Адамдары бақытқа жету мақсатымен бір-біріне көмектесіп отыратын халық – қайырымды халық. Егер халықтар бақытқа жету мақсатымен бір-біріне көмектесіп отыратын болса, бүкіл жер жүзі осылайша қайырымды болмақ». Қазақ халқы – осындай қайырымды халық. Ол әрқашан мейірімді, қонақжай. Қазақстан – көп ұлтты мемлекет. Онда 100-ден астам ұлт өкілдері бір-біріне көмектесіп, өзара тату, ынтымақты тұрады.

[Введите текст]

Біздің мемлекетіміздің бас қаласы – Астана. Бүгінде Астананың аты әлемге әйгілі. Бұл өңір – талай тарихи оқиғаларды бастан өткізген қасиетті өлке. Тарихшылардың айтуы бойынша, өткен ғасырларда осы күнгі Астана тұрған орын ғұндардың батыстағы бір ордасы болған. Астана қаласы Солтүстік Қазақстан аймағында орналасқан. Бұл жердің ауасы таза, қысы қатал, жазы ыстық болады. Аз уақыттың ішінде қала танымастай өзгерді. Есіл өзенінің бойында Елбасы Резиденциясы, Парламент үйі, «Интерконтиненталь» қонақ үйі, Жастар сарайы, көп қабатты тұрғын үйлер бой көтерді. Парламент үйінің алдында Төле би, Қазыбек би, Әйтеке бидің ескерткіштері қойылған.

Қаланың ортасында бес жұлдызды «Алатау» қонақ үйі салынды. Астана қаласында жүзден астам ұлт өкілдері тұрады. Астана – болашағы үлкен қала. Мұнда әсем, зәулім ғимараттар салынып жатыр. Астана іскерлік және мәдени орталыққа айналды.

Астана – арман қала,

Бағы бір жанған қала.

Тұрады ол жап-жасыл боп,

Мен үлкен болғанда да.

Талай белестерді өткізген қазақ халқы егемендік алды. 1991 жылы 1 желтоқсанда Қазақстан Республикасының тұңғыш Президенті болып Н.Ә. Назарбаев сайланды. Нұрсұлтан Әбішұлы Назарбаев 1940 жылы Алматы облысындағы Шамалған ауылында өмірге келген. Әкесі Әбіш пен анасы Әлжан еңбекқор, өнерлі жандар болған. Нұрсұлтан Әбішұлының мамандығы – металлург. Жалынды жастық шағын Теміртау мен Қарағандының домна пештерінде болат балқытуға, Днепродзержинскийдегі құрыш білек әріптестерімен тәжірибе алмасуға және өз ортасының жас лидері ретінде небір жалынды істердің ұйытқысы болуға арнады, спортпен шұғылданды. Қырыққа жетпей ел басшылығына араласты. Қырық төрт жасында Үкімет төрағасы болды. Бір мың тоғыз жүз тоқсаң тоғызыншы жылы Республика Президентін бүкіл халық болып жеті жылға қайта сайлады. Нұрсұлтан Әбішұлы – елдің қамын ойлап, өз халқының қадір-қасиетін жанымен ұғатын және сол халқының бақытты болашағы үшін күш-қайратын бүтіндей арнаған азамат. Ол – бүкіл дүние жүзі халықтарының арасында беделі зор саяси қоғам қайраткері. Ашықтық, шыншылдық, тартымдылық және адамды сүю – осы қасиеттердің бәрі Нұрсұлтан Әбішұлына тән. Қазақ халқының, көпұлтты

[Введите текст]

елінің алдындағы, тарих алдындағы жоғары жауапкершілікті ол ешқашан ұмытқан емес. Ол ұлы ұйымдастырушы ретінде Қазақстанды бұрынғы кеңестік кеңістіктегі дамыған елдердің біріне айналдырды. Нағыз көшбасшы ғана осындай табыстарға қол жеткізе алады, бұл жағынан алғанда Нұрсұлтан Әбішұлы - өз халқының қайталанбас көшбасшысы. Егемен Қазақстанның орталығын Астанаға көшірген сәттен бергі екі жылдың ішінде Президент Н. Назарбаев, Астананың әкімдігі ғылымның, мәдениет пен білімнің ордасы боп табылатын мемлекеттің жаңа астанасының қалыптасуы мен құрылысына орасан қажыр-қайрат жұмсады. Астана жас мемлекет – Қазақстан Республикасы тәуелсіздігінің жарқын рәмізіне айналды. Бұл бүкіл қазақ халқының күш-жігерін жұмылдыра білген, шын мәнінде жаңа қала, жаңа астана салған президент Нұрсұлтан Назарбаевтың баға жетпес еңбегінің жемісі. Астана – ол шөл далада пайда бола қалған жай ғана қала емес, ол саяси көрегенділіктің рәмізі. Ол алысты болжайтын саясаттың батыл қадамы. Жүздеген жылдар өтер, сол кезде болашақ ұрпақ бүгінгі ерліктің бағасын берер. Бұл осы дәуірдің ең үлкен ескерткіші.

Өмір – мәңгілік күрес. ХХІ ғасыр Қазақстан жастарының алдына жаңа талап қояды. Ол күрес ешқашан тоқтамайды. Әрбір адам өзінің бақыты үшін еңбек етеді. Біз өз бойымызға бәсекеге қабілеттілікті орнықтыруымыз керек. Бірақ ең бастысы - әр адам өз ісінің шебері болуы керек. Бәсекеге қабілеттіліктің негізгі кілті – білім. Нарық экономикасы жастардың білікті маман болуды талап етеді. Маған Қазақстанның Президенті өте ұнайды. Егер Назарбаев республика тұтқасын ұстап тұратын болса, Қазақстанның табысқа деген мүмкіндігі бұдан да зор болмақ.